

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-18027/23-1  
Sarajevo, 10.6.2024. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama BiH („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine, a na preporuku Komisije za javnu nabavku radova, Općinski načelnik donosi:

## **ODLUKU**

**o izboru najpovoljnijeg ponuđača – Izvođenje radova na izradi i obnovi cestovne saobraćajne signalizacije na području Općine Novi Grad Sarajevo - LOT 1**

### **I**

Okvirni sporazum za javnu nabavku – Izvođenje radova na izradi i obnovi cestovne saobraćajne signalizacije na području Općine Novi Grad Sarajevo - LOT 1 (broj obavještenja: 422-1-3-201-3-205/23 objavljeno na Portalu javnih nabavki BiH 04.8.2023.godine i “Službeni glasnik BiH - Oglasnik javne nabavke” br. 56/23 od 11.8.2023.godine; Ispravka za obavještenje o nabavci 422-1-3-201-8-269/23 od 02.10.2023.godine, Službeni glasnik BiH - Oglasnik javne nabavke” br.69/23 od 06.10.2023.godine; Ispravka za obavještenje o nabavci 422-1-3-201-8-310/23 od 17.11.2023.godine i Službeni glasnik BiH - Oglasnik javne nabavke” br. 80/24 od 24.11.2023.godine; Ispravka za obavještenje o nabavci 422-1-3-201-8-353/23 od 22.12.2023.godine; Ispravka za obavještenje o nabavci 422-1-3-201-8-35/24 od 19.2.2024.godine; Ispravka za obavještenje o nabavci 422-1-3-201-8-87/24 od 15.4.2024. godine i Ispravka za obavještenje o nabavci: 422-1-3-201-8-139/24 objavljeno na Portalu javnih nabavki BiH dana 29.5.2024. godine) dodjeljuje se ponuđaču „Sacom“ d.o.o. Sarajevo sa ponudom u iznosu od 175.250,85 KM bez PDV-a, odnosno 205.043,49 KM sa PDV-om.

### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

### **III**

Obavezuje se ponuđač iz tačke I ove Odluke da dostavi dokumentaciju traženu tačkom 3.1.3. tenderske dokumentacije koja se odnose na član 45. stav (2) tačka od a) do d) Zakona i dokumentaciju traženu tačkom 3.3.2 koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

## **Obrazloženje**

Odlukom broj 02/12-19-18027/23 od 01.08.2023. godine Općina Novi Grad Sarajevo pokrenula je otvoreni postupak javne nabavke – Izvođenje radova na izradi i obnovi cestovne saobraćajne signalizacije na području Općine Novi Grad Sarajevo - LOT 1, broj obavještenja: 422-1-3-201-3-205/23 objavljeno na Portalu javnih nabavki BiH 04.8.2023.godine i “Službeni glasnik BiH - Oglasnik javne nabavke” br. 56/23. Na objavljenoj tenderskoj dokumentaciji tokom postupka je uloženo više žalbi koje su zaključcima Ureda za razmatranje žalbi BiH odbačene kao neuredne. Na

osnovu Ispravke za obavještenje o nabavci: 422-1-3-201-8-139/24 objavljeno na Portalu javnih nabavki BiH dana 29.5.2024. godine postupak je nastavljen i pristupilo se otvaranju ponuda.

Zapisnikom o otvaranju ponuda od 03.6.2024. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponuda ponuđača: 1. „Buljan ceste“ d.o.o. i 2. „Sacom“ d.o.o. Sarajevo.

Komisija je nakon postupka javnog otvaranja ponuda pristupila analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku, te utvrdila da ponuda ponuđača „Buljan ceste“ d.o.o. Kreševo ne ispunjava uslove iz tačke 3.4.1. b) i c) tenderske dokumentacije. Naime, tačkom 3.4.1. b) traženo je: „da ponuđač u radnom odnosu na neodređeno vrijeme ili angažovana ima slijedeća tehnička lica: dipl. inženjer saobraćajne ili građevinske struke sa najmanje tri godine radnog iskustva na poslovima iz oblasti saobraćaja/gr građevine i položenim stručnim ispitom, 1/ jednog/ rukovodioca SSS sa stručnim ispitom i 5 godina radnog iskustva na poslovima iz oblasti saobraćaja/gr građevine i 10 radnika u oblasti predmetnih radova“. Navedeno se dokazuje tačkom 3.4.2. b) i c): „b. Kao dokaz da ponuđač u radnom odnosu na neodređeno vrijeme ili angažovana ima slijedeća tehnička lica: dipl. inženjer saobraćajne ili građevinske struke sa najmanje tri godine radnog iskustva na poslovima iz oblasti saobraćaja/gr građevine i položenim stručnim ispitom, 1 jednog rukovodioca SSS sa stručnim ispitom i 5 godina radnog iskustva na poslovima iz oblasti saobraćaja/gr građevine i 10 radnika u oblasti predmetnih radova, ponuđač je dužan dostaviti: Ako su tražena tehnička lica stalno uposlena kod ponuđača: Dokaz izdat od PIO ili MIO ili Porezne uprave da ponuđač u stalnom radnom odnosu ima zaposlena tražena tehnička lica, sa datumom izdavanja, ne starijim od 30 dana računajući od dana utvrđenog kao krajnji rok za predaju ponude; (original ili ovjerena kopija) Ako tražena tehnička lica nisu zaposlena kod ponuđača potrebno je dostaviti odgovarajuću Izjavu (izjava ovjerena od strane ponuđača koja se dostavlja u formi utvrđenoj Aneksom 8 tenderske dokumentacije) iz kojeg će biti jasno da će, u slučaju dodjele ugovora, ista biti angažovana na period realizacije ugovora. c. Dokaz o stručnoj spremi, položenom stručnom ispitu i radnom iskustvu: -za dipl. inženjer saobraćajne ili građevinske struke sa najmanje tri godine radnog iskustva na poslovima iz oblasti saobraćaja / građevine i položenim stručnim ispitom, i za -za jednog rukovodioca SSS sa stručnim ispitom i 5 godina radnog iskustva na poslovima iz oblasti saobraćaja /građevine; (original ili ovjerena kopija).“

Uvidom u dostavljenu ponudu „Buljan ceste“ d.o.o. Kreševo konstatovano je da ponuđač dostavio dokaz o stručnoj spremi, položenom stručnom ispitu i radnom iskustvu za dipl.ing.građ. i to na stranicama 30-32 ponude, dok je za jednog rukovodioca SSS – građ.tehničar dostavljeno uvjerenje o položenom stručnom ispitu i potvrda o radnom iskustvu na stranicama 33-34 ponude, ali nije dostavljen dokaz o stručnoj spremi, odnosno diploma. Također, na stranicama 36-38 ponude dostavljena je Lista osiguranih lica za obaveznika „Buljan ceste“ d.o.o. Kreševo izdata od Porezne ispostave Kreševo br.13-6/11-12 5-656-2/2024 od 25.3.2024. godine, te je navedeni dokaz izdat od Porezne uprave stariji od 30 dana računajući od dana utvrđenog kao krajnji rok za predaju ponuda (odnosno 03.6.2024. godine).

Nadalje, tačkom 3.4.1. c) tenderske dokumentacije traženo je: „c) da je ponuđač opremljen neophodnom mehanizacijom za obavljanje predmetnih radova: kompresor za nanošenje boje- 2 kom., agregat- 1 kom., mašina za izradu horizontalne signalizacije bojom za puteve za uzdužne i poprečne oznake -1 kom., mašina za izradu horizontalne signalizacije debeloslojnom hladnom plastikom - za uzdužne i poprečne oznake ( ručna ili samohodna mašina ) -1 kom., i teretno vozilo (kamion) – 1 kom.“ Navedeno se dokazuje tačkom 3.4.2. d): „Dokaz o obezbjeđenosti opreme neophodne za obavljanje predmetnih radova: kompresor za nanošenje boje- 2 kom., agregat- 1 kom., mašina za izradu horizontalne signalizacije bojom za puteve za uzdužne i poprečne oznake -1 kom., mašina za izradu horizontalne signalizacije debeloslojnom hladnom plastikom - za uzdužne i poprečne oznake ( ručna ili samohodna mašina ) -1 kom., i teretno vozilo (kamion) – 1 kom. Kao dokaz se dostavlja izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme (original ili ovjerena kopija), za kamion se dostavlja ovjerena kopija važeće saobraćajne

dozvole, a za radne mašine ovjerenu kopiju važeću saobraćajne dozvole, potvrdu proizvođača ili upotrebnu dozvolu (orginal ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje. (original ili ovjerena kopija)" Ponuđač "Buljan ceste" d.o.o. Kreševo je na stranici br. 42 ponude dostavio Upotrebnu dozvolu broj 01-05/21-XXIV sa rokom važenja 28.5.2024. godine, te je Komisija konstatovala da u trenutku otvaranja ponuda predmetna upotrebna dozvola nije važeća, a što nije u skladu sa zahtjevima iz tenderske dokumentacije.

Iz naprijed navedenog razloga utvrđeno je da ponuda ponuđača „Buljan ceste“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. b) i c) tenderske dokumentacije, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuda ponuđača „Sacom“ d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude te utvrdila računsku grešku. Ponuđač „Sacom“ d.o.o. Sarajevo je dostavio saglasnost na ispravku računске greške broj 524/24 od 07.6.2024. godine.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 4. stav (2) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH, te je Komisija dala preporuku za zaključenje okvirnog sporazuma sa ponuđačem „Sacom“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:  Arisa Bešagić, sekretar komisije

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

  
Općinski načelnik  
mr. Semir Efendić 